



## **HYSBYSIAD CYHOEDDUS O RAN CYFLWYNO CYNLLUN TRWYDDEDU YCHWANEGOL AR GYFER TAI AMLFEDDIANNAETH YN SIR Y FFLINT**

Cyhoeddir y dynodiad hwn yn unol ag Adrannau 56 i 60 o Ddeddf Tai 2004 a Rheoliad 9 o Reoliadau Trwyddedu a Rheoli Tai Amlfeddiannaeth a Thai Eraill (Darpariaethau Amrywiol) (Cymru) 2006 (“y Rheoliadau”).

**Rhoddir rhybudd drwy hyn** bod Cyngor Sir y Fflint, ar 14 Hydref 2025, wedi dynodi cynllun Trwyddedu Ychwanegol o ran Tai Amlfeddiannaeth, sy’n gweithredu’n unol â’r Rheoliadau ac sy’n berthnasol i’r Sir gyfan.

Gelwir y dynodiad yn “Gynllun Trwyddedu Ychwanegol Cyngor Sir y Fflint (Tai Amlfeddiannaeth) 2026” (“Y Cynllun”).

Mae gan y cynllun Gymeradwyaeth Gyffredinol Llywodraeth Cymru o dan Ddeddf Tai 2004 (Cynllun Trwyddedu Ychwanegol Tai Amlfeddiannaeth) (Cymru) - Cymeradwyaeth Gyffredinol 2007, a ddaeth i rym ar 13 Mawrth 2007. Felly, yn rhinwedd isadrannau (1)(b) a (7) Adran 58, nid oes angen cadarnhau’r dynodiad a bydd yn dod i rym ar ddyddiad a nodir yn y Dynodiad.

Bydd y Cynllun yn cyd-fynd â Chynllun Trwyddedu Gorfodol Tai Amlfeddiannaeth yr Awdurdod Lleol a ddaeth i rym ar 30 Mehefin 2006. **Bydd y Cynllun yn dod i rym o 1 Ebrill 2026 ac os na chaiff ei ddirymu neu ei ymestyn cyn hynny, bydd yn dod i ben ar 31 Mawrth 2031.**

Mae’r Cynllun yn berthnasol i bob Tŷ Amlfeddiannaeth yn Sir y Fflint, ac eithrio’r rhai sydd wedi’u heithrio dan adrannau perthnasol Deddf Tai 2004 a’r rhai sydd eisoes wedi’u trwyddedu dan y Cynllun Trwyddedu Gorfodol Tai Amlfeddiannaeth.

Mae’r Cynllun yn cynnwys eiddo sy’n bodloni’r holl feini prawf, yn unrhyw un o’r ddau gategori canlynol:

- (a) Unrhyw fath o Dŷ Amlfeddiannaeth fel y’i diffinnir gan Adran 254 Deddf Tai 2004 nad yw’n dod o fewn y cynllun trwyddedu gorfodol, sydd â thri neu fwy o bobl yn byw ynddo sy’n ffurfio dwy aelwyd neu fwy.

(b) Tai Amlfeddiannaeth a ddiffinnir dan Adran 257 Deddf Tai 2004; Tai Amlfeddiannaeth a grëwyd drwy drosi adeiladau yn fflatiau, ond nad ydynt yn bodloni Rheoliadau Adeiladu 1991, ac felly heb eu gwella i fodloni'r safonau perthnasol.

Bydd yn rhaid i bob landlord sy'n berchen ar eiddo sy'n dod o dan unrhyw un o'r meini prawf uchod wneud cais am drwydded a dylent gael cyngor gan yr Awdurdod Lleol am Drwyddedu Tai Amlfeddiannaeth. Bydd Ffioedd ac Amodau'n berthnasol dan y Cynllun.

**Mae methu â gwneud cais am drwydded pan fo angen un yn drosedd dan Adran 72 Deddf Tai 2004. Mae rhywun sy'n troseddu yn destun ar gollfarn ddiannod i ddirwy ddiderfyn (oedd cyn hyn hyd at £20,000). Hefyd, mae'n bosibl y bydd yn rhaid i'r unigolyn hwnnw ad-dalu hyd at 12 mis o rent a gasglwyd yn ystod yr amser y bu'r eiddo heb drwydded.**

Er mwyn i gais gael ei ystyried, rhaid darparu manylion rhagnodedig a rhaid cynnwys y ffi drwyddedu, fydd yn cael ei chyhoeddi'n briodol.

Gellir gofyn am Ffurflenni Cais gan:

Y Gwasanaeth Diogelu Busnes a'r Gymuned, (Safonau Tai), Lle a Thwf,  
Cyngor Sir y Fflint,  
Tŷ Dewi Sant, Parc Dewi Sant,  
Ewlo,  
Sir y Fflint, CH5 3FF  
Rhif Ffôn: 01352 703440  
E-bost [ppadmin@flintshire.gov.uk](mailto:ppadmin@flintshire.gov.uk)

Mae copi o'r dynodiad hwn ar gael ar

<https://www.siryfflint.gov.uk/cy/Business/Licences-and-permits/Additional-Licensing-of-Houses-in-Multiple-Occupation.aspx>